

【明】万历

福州府志

【元】

【明】喻政 主修

福州市地方志编纂委员会整理
海风出版社出版

docriver 文川网
古籍书城
入驻商家
在文川网搜索古籍书城 获取更多电子书

福州府志

〔下〕

〔明〕 喻 政 主修

福州市地方志编纂委员会整理
二〇〇一年七月

图书在版编目(CIP)数据

福州市旧志点校/福州市地方志编纂委员会整理
旧志点校主编/张天禄 福州:海风出版社,2001.7
ISBN7-80597-361-X

I. 福… II. 福… III. 福州市-地方志-注释

中国版本图书馆 CIP 数据核字(2001)第 047839 号

福州府志

[明]喻 政主修

福州市地方志编纂委员会整理

*

海风出版社出版

(福建省福州市鼓东路 187 号 邮编 350001)

责任编辑:刘 克 林国泰

福州泰岳印刷广告有限公司印刷

开本 850×1168 毫米 1/32 46.25 印张 1460 千字

2001 年 7 月第 1 版 2001 年 7 月第 1 次印刷

印数 1-1000

ISBN7-80597-361-X/K·18

定价:178.00 元

docsriver 文川网
入驻商家 古籍书城

在文川网搜索古籍书城 获取更多电子书

目 录

卷之四十二	(1)
官政志五	
名 宦(上)	
卷之四十三	(25)
官政志六	
名 宦(中)	
卷之四十四	(54)
官政志六	
名 宦(下)	
卷之四十五	(57)
选举志一	
前朝进士	
卷之四十六	(151)
选举志二	
前朝进士	
卷之四十七	(253)
选举志三	
国朝进士	
卷之四十八	(291)

选举志四	
国朝乡举	
卷之四十九	(366)
选举志五	
国朝乡举	
卷之五十	(397)
选举志六	
国朝岁贡	
卷之五十一	(451)
选举志七	
历朝荐辟	
卷之五十二	(463)
选举志八	
国朝任子	
卷之五十三	(465)
人文志一	
理 学	
卷之五十四	(467)
人文志二	
名 臣	
卷之五十五	(502)
人文志三	
忠 节	

卷之五十六	(507)
人文志四	
风 概	
卷之五十七	(518)
人文志五	
清 操	
卷之五十八	(527)
人文志六	
前 修	
卷之五十九	(534)
人文志七	
循 良	
卷之六十	(561)
人文志八	
孝 友	
卷之六十一	(572)
人文志九	
儒 林	
卷之六十二	(578)
人文志十	
文 苑	
卷之六十三	(590)
人文志十一	

- 隱 逸
卷之六十四 (597)
 人文志十二
- 乡 行
卷之六十五 (603)
 人文志十三
- 方 技
卷之六十六 (607)
 人文志十四
- 迁 寓
卷之六十七 (611)
 人文志十五
- 仙 释
卷之六十八 (614)
 人文志十六
- 邪 佞
卷之六十九 (618)
 人文志十七
- 列 女
卷之七十 (637)
 艺文志一
- 文 翰
卷之七十一 (682)

艺文志二	
著 述	
卷之七十二	(696)
杂事志一	
古 迹	
卷之七十三	(702)
杂事志二	
宅 墓	
卷之七十四	(713)
杂事志三	
寺 观	
卷之七十五	(734)
杂事志四	
时 事	
卷之七十六	(745)
杂事志五	
丛 谭	

《福州府志》卷之四十二

官政志五

名宦(上)

唐

李 铎 宗室子也。大历间，为福建观察使。节用爱人，定赋省役，修饰学校，一切经营之费，不取于民。教诲诸士而第其等，由是海滨之民，以不学为耻。按《闽中记》云：“李邕公铎，大历中兼按此部，乃大启府学，劝诱生徒。”而《重修学记》则云：“李铎，考之《唐书》，李铎未尝有邕公之称，亦未尝官福州。”疑当以《学记》为正。

常 袞 京兆人。建中初，以前宰相起为福建观察使。始，闽人未知学，袞至，为设乡校，课之为文章，亲加讲导。与为客主钧礼，观游燕飨与焉。又延名士欧阳詹辈，厚遇之。由是闽俗一变，岁贡士与内州等。卒于官。州人祀之学官。

吴 湊 濮阳人。贞元四年为福建观察使。莅政以廉敏著，美誉四腾。湊起自外戚，而有治才，多所建白。与宰相窦参不合，召还。

阎济美 贞元末，由婺州刺史为福建观察使。前使柳冕奏于闽中置监牧，索部内马五千余匹，牛羊称是，闽人大扰。济美奏罢之。所至以简澹为理，常赋之外，不加征。

徐 晦 宝历初，为福建观察使。性强直，不随世态，当官守正。晦初未第，四门助教欧阳詹数称之。后晦举进士，仕

闽语及詹，每流涕。

杨发 字至之，冯翊人。大中初，以苏州刺史改福州兼观察使。下车，首立社稷、风雨坛于州之坤方，用钱十万，不徭一丁，不敛一户。瓯闽之人，美其能政。耆老以善积闻于朝，迁岭南节度使。

李景温 字德已，并州人。历谏议大夫，福建观察使，徙华州刺史，以美政闻。

罗让 字景宣。唐末，为福建观察使，兼御史中丞，以仁惠著。有以女奴遗让者，问所从，曰：“兄姊九人，皆为官所卖，留者独老母耳。”让惨然，为焚券，召母归之。

沈亚之 字下贤，吴兴人。长庆初，为福建团练副使，事徐晦。晦经度空隙之地为池，以通海波潮汐，亚之与有劳焉。

宋

张浚 字德远，绵竹人。绍兴间，以资政殿大学士知福州，兼福建安抚大使。闽俗健讼，浚入境，一切谕以义理，飭守令留意民事，令乡里长老知书者率劝后生及强悍者毋为乡党羞。民皆戴仰。每出，观者至升屋登木如堵墙。细大之事，必躬理之。讼事清简。山海逋寇，招抚无余。时引秀士，与之讲论。复奏以宁德芹溪籍没田人学，以增养士。去郡之日，军民送者咨嗟号泣，相属于道。

叶梦得 字少蕴，吴县人。绍兴间，以观文殿学士知福州，兼安抚使。海寇朱明猖獗，诏梦得挟御前将士，使道之镇。或招或捕，或诱之相戕，梦得三策并用，遂平寇五十余群。然颇与监司异议。上章请老，特迁一官，提举临安府洞霄宫，寻拜崇信军节度使，致仕。

辛次膺 字起季，莱州人。绍兴间以左中大夫、敷文阁待制知福州，兼福建安抚使。为政贵请静、先德化，所至人称其不烦。

汪 徽 字明远，其先新安人，徙居饶州浮梁。乾道间自宁国移知福州，兼安抚使。尝言其起自孤寒，所以报国惟无私不欺尔。自奉清约，虽贵，犹布衣时。

陈俊卿 字应求，莆田人。乾道间，以观文殿大学士知福州，兼安抚使，政尚宽厚，独严于治盗。定海水贼倪郎，侵轶闽广，俊卿授统领官郑庆方略，悉平之，特迁银青少禄大夫。转运判官陈岷建议改行钞监法。俊卿移书宰执，极言福建监法与淮浙异，遂不果行。明年请祠归。淳熙初再知州事，民习其政，不劳而治。始至，帑藏空竭，俊卿节省浮费，用亦不乏。会有旨尽发本路海船及禁军。俊卿皆奏止之，民相率为祠立碑以颂。俊卿亟禁止而碎其碑。

郑 侨 字惠叔，永福人。绍熙中知福州。政尚简静。古田税重，侨减之，罢义仓之私采者，民感其惠。庆元中，除本路安抚使，再知州事。

辛弃疾 字幼安，历城人。绍兴二年，提点福建刑狱，寻知福州，兼安抚使。弃疾为宪时，尝摄帅，每叹曰：“福州前枕大海，贼渊藪也。且四郡据上游，俗悍易乱，无积贮，奈何？”莅政仅期，积糴至五十万缗，榜曰：“备安库。”欲以其钱采谷二万石，招强壮补军额，严训练，则不忧盗矣。事未行，为台臣王蔺所劾，遂乞祠归。

蔡幼学 字行之，瑞安人，嘉定间知福州，进福建路安抚使。政主宽大，惟恐伤民。福建下州例抑民买盐，以户产高下均卖者，曰：“产盐”，以交易契纸钱科敷者，曰“浮盐”，皆出常赋外。幼学力请蠲之，不报。提举司令民以田高下藏新会子，不如令者籍其贖。幼学曰：“罔民而可，吾忍之乎？惟有去而已。”因言钱弊未均，秤提无术，力求罢去。

杨长孺 吉水人。嘉定间知福州，兼安抚使。理宗尝问廉吏，真德秀对曰：“若杨长孺之守闽，今廉吏也。”

杨 栋 字元极，青城人。理宗朝，提点福建刑狱，寻权知福州，兼安抚使。栋之学本诸周、程，常进对，帝曰：“止是正心修身之说乎？”栋对曰：“臣所学止此。用之事亲，取友，治凋郡，察冤狱，至为简易。”

魏了翁 字华甫，蒲江人。嘉熙初，自绍兴改知福州，兼安抚使。累章乞骸骨，诏不允。疾革，复上疏。门人问疾，犹衣冠相与酬答，且曰：“吾平生处已淡然无营。”口授遗奏，少焉拱手而逝。

赵必愿 字立夫，汝愚之孙也。淳祐五年，知福州，兼福建安抚使。三辞不许。必愿乐易忠信，旌贤士，奖高年，蔼然有恻怛之实有。留意武事，区画海防，修水战法。与丞相、福王相继莅闽。闽人尤爱戴之。居官四年，乞归卒。

吴 渊 字道父，潜之兄也。宝祐间，知福州，兼安抚使。渊有才略，所至兴学养士。然政尚严。后拜参知政事。

洪天锡 字君畴，晋江人。初知古田，邑剧牒多，天锡剖决无留难，有倚王邸势杀人者，诛之不少贷。度宗初，为福建安抚使，亭户买盐至破家陨身者，天锡首罢之。又奏罢荔枝贡。召为刑部尚书。

王晞亮 字季明，晋江人。绍兴中，为福建安抚司干办官。会山寇窃发，焚劫郡邑，帅独委晞亮从军，俾授诸将方略。时大将马铃、韩京不相禀承，晞亮周旋调护，处置得宜。以故俞彻明、五里龙数年逋诛之寇，皆束手请命。

徐鹿卿 字德夫，丰城人，嘉定间，辟干办福建安抚司公事。会汀郡寇作，鹿卿赞画备御，动中机会，避寇入城者，多方赈济，全活甚众。郡多火灾，救护有方。鹿卿居官廉约，不妄取。

燕 度 字唐卿，益都人。嘉祐中知州事。闽故多盗，度请假事权，制摄一道，遂加兵马铃辖。度有心计，所至善状日

闻。

姜特立 字邦杰，丽水人。淳熙中，累迁福建路兵马副都监。海贼姜大猷寇泉南，特立以一舟先进擒之。帅臣赵汝愚荐于朝，除閤门舍人。

杨克让 字庆孙，冯翊人。太平兴国初，以两浙西南路转运使权知州事。泉州民啸聚为盗，众十余万。克让即率其屯兵至泉州，与王明、王文宝共讨平之。历官廉谨，所至有声。《三山志》谓克让以本路转运使权知，盖是时钱氏初纳上，福建犹属两浙西南路也。

牛冕 字君仪，徐州彭城人。端拱初，为福建转运使，建议废邵武军归化金坑，土人便之。

赵湘 字巨源，华州人。尝为福建路转运使。廉问疾苦，按不称职者罢之。

庞籍 字淳之，武城人。景祐中，以殿中侍御史徙福建转运使。籍长于吏事，治民有惠爱。

卢革 字仲辛，德清人。神宗时，为福建转运使，请外。神宗谓宰相曰：“革廉退如是，宜与嘉郡。”遂与宣州。

朱宗 字成德，仙游人。绍兴初，建安盗起，制置使诛捕无功，除宗福建转运使。趣人对，宗曰：“愚民穷困无聊，弄陛下兵将。吏养寇弗除，诛敛益急，将尽驱齐民为盗。乞退还制置使，专付臣绥集之。”复移书责制置使辛企宗，不当复募兵诛责粮餉，卒如其策而盗平。

祖秀寔 浦城人。绍兴中，为福建转运使，事之害民者，一切革去，赋人率先诸路。

高斯得 字不妄，蒲江人。宝祐中为福建计度转运副使。时朝廷行自实田，斯得言：“按《史记》，秦始皇三十一年，令民自实田。主上临御，适三十一年。而异日书之吏册，自实之名，正与秦同。”丞相谢方叔大愧，即为之罢。

蒋之奇 字颖叔，宜兴人。为福建转运判官时，新法行，

诸道免役，推行失平。之奇约就庸费，随算钱高下均取之，民以为便。之奇为部便者及典会府，俱以治办称，且孜孜以为人物为已任。在闽尝荐处士陈烈，每行部，必造焉。

赵令諝 字君序，宋宗室也。绍兴中，由永丰丞累迁福建运判，兼提点刑狱公事。令諝莅事，明敏有风采，在朝多所建白。

林枏福 唐尉擢九世孙也。淳熙中，除直秘阁、福建路转运判官，申豁汀州无额经总制钱，减放宁化、泰宁两县苗米，论漳州子斗司收诸绝产，为豁除诸县税色。

薛叔似 字象先，其先河东人，后徙永嘉。光宗时，为福建转运判官，后又以端明殿学士谪福州。叔似雅慕朱熹，穷道德、性命之旨，谈天文、地理、钟律、象数之学。

袁甫 字广微，鄞县人。端平初知建宁府，寻兼福建转运判官。闽盐隶曹司例运两纲供费后增至十有二，吏卒并缘为奸，且抑州县变卖，公私苦之。甫奏复旧例。丁米钱久为漳、泉、兴化民患，会知漳州，时赵以夫请以废寺租为民代输，甫并捐三郡，岁解本司钱二万七千贯助之。

方大宗 嘉熙末为福建转运判官。时岁荒，闽人艰食，首发常平赈粟。自乡郡始，上四州委寓士蔡抗措置粟事。改创富沙庙学，撤去建安魁星祠。决滞讼，礼高年，关防乡郡挠政，未尝以公帑遗故旧。

谢公旦 字清父，一字景周，崇仁人。嘉定进士，官福建转运判。核盐课，民甚便之。寻改直章阁，仍兼本官。有故人献烛百炬，烛心隐隐皆黄金，亟封还而不显其事。卒于官。

赵崇候 字信之，南丰人。绍定四年进士，为福建运司，主管文字。时崇候素以清介名，台有疑讼，崇候行道中，得其情，谒部便者，言民冤状，三进三否，卒从吏议。崇候大恨。未几，撤权南剑郡事，遂弃官归。

余祖奭 主管福建转运司文字时，建卒叶依叛，逼漕台，官吏窜匿。祖奭挺身谕贼，晓以逆顺。贼感其诚，遂退。

赵彦楠 字文长，宋宗室也。累官福建路运干。属邑负赋盐本钱数千万，累岁不能偿，彦楠白其长，蠲之。

马亮 字叔明，合肥人。淳化间，诸路转运司置纠察刑狱官，以福建路命亮复讯冤狱，全活者数十人。迁知福建。苏易简荐亮才任繁剧，召还。后以太子少保致仕。吕夷简少时，从其父蒙亨为县吏，至福州，亮见而奇之，妻以女，世以亮为知人。

罗拯 字道济，祥符人。提点福建刑狱。泉州兴化军水坏庐舍，拯请勿征海运竹木，经一年民居皆复其旧。迁转运使。邵武之光泽，不榷酒而课赋，民号黄鞫钱，拯均之他三邑，人以为便。

陈楠 字季任，平阳人。宣和七年，提点福建路刑狱。福州调发防秋兵资粮，不满望，杀帅臣，变生仓卒，吏民奔溃，阖城震骇。楠人变兵中，谕以祸福。贼气沮，邀楠奏帅臣自毙。楠诡从其请，间道驰奏，以前奏不实待罪。朝议以楠知变，释之。叛兵既调行，乃追杀首恶二十余人，一方以安。建炎间，复除福建路提刑，寻以疾乞祠。

廖刚 顺昌人。绍兴间家居。盗起旁郡，官吏悉逃去，刚谕从盗者，使反业。既而，他盗入顺昌，部使者檄刚抚定。刚请长子迟谕贼。贼知刚父子有信义，亦散去。除福建提点刑狱。

郑兴裔 字光锡，开封人。乾道间，为福建路兵马钤辖，过阙人见，询以守令臧否，兴裔条析具对。帝曰：“卿识时务，习吏事，行当用卿。”会复置武臣提刑，就命为之。郡县积玩，检验法废，兴裔创为格目，分畀属县，吏不得行其奸，因著为令。建、剑、汀、邵盐策屡更，漕臣请易纲运为钞法，兴裔极

言其不可。海寇倏去忽来，调兵常无及，兴裔请置澳长，寇至辄率民御之。兴裔，旧志作兴宗。

王大宝 字元龟，潮州人。绍兴中提点福建刑狱。道临漳，有峻岭曰蔡冈，藜薄蔽翳，山石半确，盗乘间剽劫。大宝以囊钱三十万募民抉藪，斃道十余里，行者便之。

方庭寔 绍兴中，以论和议，力请外补，出为福建提刑。时海盗窃发，初以庭寔为儒生，易之，庭寔引用郑广辈，得以盗御盗之法，遂相次遁去。又奏除福建铺例和买之害，发泉州常平米斛以赈旱饥，民赖以济。

谢师稷 字务本，邵武人。初历福清、怀安丞。淳熙中，为福建提刑，以守法除弊为已任。建、延、汀、邵四府苦敷盐之弊，师稷力禁除之。又奏免铁叶钱。秩满，复知漕事。郡有岁输军储斛面已免征，时守以经费不足，将复之，师稷又请于朝，俾岁增运盐二纲以助用，不得加赋。

李孟传 字文授，上虞人。宁宗朝为考功郎，以不附韩侂胄，出提举福建常平。诏人对，首论用人宜先气节，后才能，益招徕忠谏，以扶正论。故人有在政府者，折简问劳勤甚，孟传逆知其意，即谢曰：“孤踪久不造朝，获一望请光而去，幸矣。”对毕，即出关。至闽，大饥，发廩劝分，民无流殍。侂胄诛，就迁提点刑狱。

包恢 字宏父，建昌人。淳祐中提点刑狱。闽俗以九月祠五王生日，廩金帛，倾市奉之。恢曰：“彼非犬豕，安得一日而五子生同，非不祥者乎，而尊畏若是。”众感悟，为之衰止。历仕所至，破豪猾，去奸吏，政声赫然。

李伯玉 字纯甫，初名诚，余午人。理宗时提点福建刑狱，后又提举本路常平。度宗欲用以参大政，贾似道忌之，面伯玉寻卒。赵汝腾尝荐伯玉，谓铜山铁壁，立朝风节，大较似之。

余武弼 字直齋，祖奭子。以文林郎充福建提点刑狱检法

docsriver 文川网
入驻商家 古籍书城

在文川网搜索古籍书城 获取更多电子书

官。适临汀剽聚成擒，多武弼之策。

游汶 字鲁望，德清人。咸淳中，为福建提点刑狱，有能声。贾似道当国，时事大非，汶与论事，悉诚恳恻，至于流涕。遂罢官家居。元世祖时，参政蒲大年以遗老奏召为福州总管，坚辞不就。所衣一布袍，书其背曰：“宋遗民”，不问燕居叙会，晴雨寒暑，未尝脱解，论者悲之。

应孟明 字行实，永康人。淳熙中，为福建提举常平，陛辞，帝曰：“朕知卿爱百姓，恶胥吏，事有不便于民，宜悉意以闻。”孟明至部，具以临遣之意咨访之。帝一日御经筵，因论监司按察，曰：“朕近日得数人，应孟明其最也。”寻除江东提点刑狱。

方峤 仁宗朝为都官员外郎。时会遣使宽恤诸路民力，庞籍、孙沔荐峤可用，乃以峤使福建。峤询访利疾，条上者甚众，后赦令施行，多峤所言。

汤汉 字伯纪，安仁人。宝祐间，提举福建常平，劾福州守史岩之，泉州守谢埴。后又判福建转运。又两知福州兼福建安抚使。历官介洁有守，恬于进取。

赵逢龙 字应甫，鄞县人。历提举广东、湖南、福建常平。每至官，有司例设供张，悉命撤去，日具蔬饭。坐公署，事至即面问决遣。为政务宽恕，抚谕惻怛，一以天理民彝为言。民是以不忍欺。居官自常俸外，一介不取。赋有逋负，悉为代输。尤究心荒政，以羨余为平糶本。

陆祐 字亦颜，侯官人。为福建茶盐司干办公事，其于茶法尽心讲究，每谓榷无良法，能以仁恕存心，宽其禁网，使公家不失大利之源足矣。泉南当海舶运输之冲，部使者欲复市易，祐曰：“此渔夺之术也。”言之切至，乃止。别载《孝友传》

王迈 为南外睦宗院教授。时真德秀守福州，迈竭忠以裨郡政，相从甚欢。

元

董文炳 字彦明，藁城人。宋既亡，文炳以中书左丞奉诏讨未下郡县。师既逾岭，闽人欢迎载道。漳、泉、建、邵皆送款，文炳悉慰抚之，不妄杀一人。惟兴化、汀未下，文炳欲招之，或曰：“遣一偏师，如太山压卵耳，何以招为？”文炳曰：“执迷不服，独陈参政耳。民何辜，宁不能为数万众忍须臾哉？”未几，吴浚等以汀来归。兴化又不至，乃发兵讨之。闽人室家相保，井里如故，业市不移。民德之最深，建生祠祀焉。

庄嘉 守子敬。至正中，为闽海道廉访使。闽方多警，嘉历剿之。岁饿殍，死载路，救荒有法。闽人家置香几，每嘉出，罗拜以祝。既擢去，民肖其像，祠祀之。

王翰 字用文，灵武人。初袭父爵，为领兵千户。省宪共言其才，除福州路治中。适三魁贼起，地险，猝难用兵。翰自造其垒，谕降之。泉州土帅柳莽跋扈，连劫旁郡，邑民惧汹汹，翰使人谕之，莽遂退。擢福建江西行省郎中。平章陈友定以翰威望素著，表授潮州总管。元亡，屏居永福山中十年。洪武中，有上书荐之者。命下，翰叹曰：“女可更适人哉？”乃为诗别其友吴海，遂自引决。翰性强介，精敏有胆略，居官廉洁，吏畏若雷震，而其行事，则一以爱民为主。

陈君用 字子材 延平人。初，汀寇骚动，君用集壮士，保乡里。海寇陆梁，君用讨平之。又累破红巾寇，诸邑为贼所陷者，悉复之。以功授同知建宁路事。亡何，红巾围福州。君用自建宁率兵来援，大败贼众。遂引兵逾北岭，至连江，阻水而阵，率兵士六十人，徒涉斩杀。贼稍溃，既而复合。君用大呼转战，中枪而死。事闻，赠怀远大将军副都元帅，追封颖川郡侯，谥忠毅。

王恽 字伯谋，汲县人。福建闽海道提刑按察使，黜官吏贪污不法者凡数十人，审系囚之冤滞者，尽行决遣。创营屋

以居戍兵，俾无得寓民舍。时行省讨剧贼钟明亮无功，复上言宜选精兵，申明号令，专命重臣节制，以计讨之。

程钜夫 初名文海，后避讳以字行，建昌人。至正三十年，由侍御史授福建廉访使。兴学明教，士有才行者，与之为礼。至于正风俗，恤民隐，奖廉勤，察贪残，表贞节，尤加之意。为政甚严，然不以微罪弃人。吏民畏爱之。

张孝思 至元中，金福建廉访使事。廉直守法，摧击奸贪，发庾以活饥民，筑堤以遏海潦，宽征均徭，戢兵弭盗，复置养济院以居养无告者。

范 梈 字亨父，一字德机，清江人。由翰林供奉改福建闽海道知事。闽有文绣局，取良家子为绣工，吏因为奸，梈作歌诗一篇述其弊。廉访使以闻，遂罢遣之。梈持身廉正，居官所至，兴学教民，雪理冤滞甚众。吴澄为文志其墓，以东汉诸君子拟之。

韩 准 字公衡，俾县人。以江西行省左丞改福建廉访使，复为侍御史。请老，未报。国朝兵下闽，城陷，准籍稿堂下，以丧礼自处。吏来，追其宣敕，准取而枕之，历刃向吏，曰：“此吾所受于君者，必欲取之，并取吾首去。”吏不敢迫。及病，遂不服药而卒。

陈瑞孙 字伯都，福宁州人。以武举累官福建宣慰帅，镇福清。陈友定兵到，被执，欲胁使从。瑞孙愤骂曰：“我家三世仕元，肯从汝反耶？”友定怒，杀之。其妻孙氏曰：“吾夫为国死，吾可独生乎？”亦抱幼女投井死。

国 朝

孙原贞 德兴人。景泰间，以浙江巡抚改镇守福建。宽而有制，廉而有为。寻复巡抚浙江，升兵部尚书致仕。

刘广衡 字克平，万安人。景泰初，巡抚福建，平建宁草寇，开寿宁县治，辟省城教场，勋绩伟著。子乔，成化间为福

建按察司副使，总督海道，平寇息民。孙玉，正德间为福建按察司提学副使，黜淫祠，崇正学。闽人世戴其德云。

高明 字上达，贵溪人。成化十四年，汀州草寇窃发，廷议有才略可平寇者。时明以佾都御史归养，即遣使奉玺书就其家起之。未至，寇已平。明乃躬诣其地，招流亡，抚疮痍，民既安辑，复奏立永定县以控制之。事竣，复赐敕留巡抚福建。明引疾乞骸骨，径归。朝廷怜之，特予致仕。

滕昭 字自明，汝州人。天顺间，巡抚福建，以威重称。成化初，再以都御史来巡抚。风裁益峻，吏民畏服，一时山贼海寇，悉赖剿平。

王继 祥符人。成化间，福建按察使，宪度明肃。后以都御史来巡抚，除寇戢兵，奖贤爱士，黜贪出暴，善政居多，入为户部尚书。

刘焘 字仁甫，天津卫人。嘉靖三十九年，代王询为巡抚都御史。时倭寇频年焚掠，抚臣软缩不敢战。贼益肆，三月，复由南台寇福州。焘素有威名，善骑射，下令大开城门，往来不禁，亲率死士千余邀贼于闽安镇。贼众数万，焘发三矢，中三酋，应弦而毙。贼大奔溃，赴水死者无算。凯旋之日，上民欢迎马首曰：“此真巡抚也。”无何，焘以病免，倭复至，闽人益思之。

谭纶 字子理，宜黄人。纶素晓畅兵机，绰有文武才。守台州时，倭入境，辄摧破之。嘉靖四十二年，闽苦倭甚。三卫军骄，不可用。巡抚游震得以罪罢。时纶方以参政居艰，于是辅臣徐阶、兵部尚书杨博言于上，就家起复，拜都御史，督抚福建。纶至，以精兵千人自随，召卫卒郭天养，数其累岁倡乱，斩于辕门。新法令，具餼粮，责诸将为必灭贼计。无何，都督戚继光破倭寇，歼之境上，复遣偏师击古田诸山寇，悉平之，招抚流移，蠲恤死丧，闽人始有更生之乐。后以地方平定，

乞终丧，诏许。入官至兵部尚书。

殷从俭 字汝中，临桂人。隆庆壬申年，以都御史提督军务，巡抚福建。时倭寇初殄，疮痍未复，从俭廉静简约，节用爱人，一以休息元元为事。方倭至时，籍民丁田为戍饷，名曰：“丁四粮六”。每易一抚臣，辄增分数，即岁侵必取盈。从俭悉复原制，蠲无艺之征。所著《八闽政略》，皆其躬行者也。居官不以妻孥自随，衣不文采，食不兼肉。及卒于官，有司入检其囊，月俸十数金而已。士民奔赴聚哭，如丧考妣。槨出国门，缟素设祭，轺道不得行。为建祠于西湖以祀。

庞尚鹏 字少南，南海人。万历初，代殷从俭巡抚福建。尚鹏为御史按浙时，力言一条鞭之法，最可以均赋役，苏贫困，请下所司著为令，然未遍及也。入闽，甫下车，即毅然上疏行之，蠲军兴以来宿负五十余万。罢商税，减寺租，裁邮递，新学宫，至于桥梁道路，莫不修葺，而于民毫无苦也。初，尚鹏在浙有搏击声，及为巡抚，闽人惮其风采，墨吏至解甲绶去。而尚鹏更为宽大不扰，法令简便。逾年，以内台召，民遮道哭送，闻其卒也，为之罢市。与殷从俭并祀，岁时伏腊，尚呼为庞公福云。

周新 字志新，南海人。永乐初，以御史按闽，属吏严惮之。每令出，咸为地方兴利除害，雪冤狱如神。国初，武将骄横，侵袭府县官。新上疏定其体统，报可。后官浙江按察使，忤旨被戮。新死，无子，其妻挈遗衣及书数卷归于家。

许仕达 字廷佐，歙县人。景泰初巡按福建。时兵荒之余，欲裁省冗费，以纾民力，乃置簿分给州县各里，凡供应所出多寡，皆令长里者自书于籍，行部辄取而稽之。郡县有所畏惮，科征顿省。居一年，与巡抚可否事，交上章争辩。有旨命仕达还朝，闽耆老相率诣阙乞留之，因命复巡按一年。

夏垞 天台人。天顺初巡按福建。持宪简重，得大休。

尝奉命考察方面大臣，黜陟甚协舆论。

伍驥 字德良，安福人。天顺六年，巡按福建。上杭山寇李宗政攻破县治。驥至浦城，闻事急，径驰至汀，帅数百兵抵上杭，諭以朝廷德意，降者数万。会有议给而诛之者，贼遂复反。驥督将士逼贼巢，命都指挥丁泉领奇兵出贼后，焚其寨，戒勿深入。泉乘胜直捣贼营，伏发，力战死之。驥督战益急，宗政等皆就擒，遂平。乃奏设上杭守御千户所，置军千余以为守备。驥因积苦兵间，染疴气，回京卒。上杭民肖其像祀之，后别创庙于布政分司侧。知县萧宏以闻，赐额褒忠，命有司每岁仲丁祀焉。

朱贤 字从善，卢州人。由进士擢监察御史。成化乙酉按闽。操履端方，号令简要，凡有罢黜，不避权势，幽枉毕达。监乡试，尤称得人云。

徐鏞 字用和，兴国州人。成化间巡按福建。誉望大著，臧否无私。后官至都御史。

刘信 字朋节，南溪人。成化间巡按福建。执法不徇，奖善疾恶。时各驿递轻重不均，弊端滋甚，信与知府唐珣处置得宜，民深德之。

吴一贯 字道夫，海阳人。弘治间巡按福建。性坦夷明允，作兴士类，而疾恶绝不少容。时称其得风宪体。

朱文 字天昭，昆山人。弘治间巡按福建。时积玩之后，振纲立纪，肃然一新，有埋轮揽辔之风。

胡萃 字惟峻，武进人。弘治间，巡按福建。严以驭吏，惠以恤下。适岁大侵，督所属核勘灾伤，奏蠲其税。濒海卫所粮有舟楫难通者，令收折价，至今以为便。

韩明 字惟远，余姚人。弘治间为福建清军御史。前此，府县进册，有贴解，有纸价，诬误者有罪米。吏胥乘间科扰万端，明悉清其弊。

王哲 字思德，吴江人。弘治间福建清军御史。仁恕简要，不事烦扰，舆论归之。

高崧 字仲龙，大理人。嘉靖壬寅以御史按闽。时闽政废弛，军民骄纵。崧至，廉诸豪家所为不法状，悉下吏捕治之，无所忌避。贪墨吏至望风解印绶去。有富室居还珠门之左，尤暴横，崧擒其父子，三木囊头，戍徙有差。故时有：“高风吹倒还珠门”之谣。癸卯，监临省试，爬搔闹弊，得士为多。闽中百余年称名御史，必曰：“崧”、“何维柏”。然维柏有恩，而崧以威胜云。

何维柏 字乔仲，南海人。嘉靖中，以监察御史按闽。值八郡大侵，多方赈贷，殫心荒政，民赖全活者数十万。疏论五事，劾严嵩罪甚秦桧、卢杞，逮下诏狱。百姓闻之，如丧考妣，虽市夫田妇，皆弃担犁，呼号攀送，哭声振林木，道路填塞不能前。嵩败后，起官至大宗。

商为正 字尚德，会稽人。万历初为监察御史，出按闽。与巡抚庞尚鹏协心共事，行条鞭法，罢商税禁，铺行学宫桥梁，百废俱兴。凡有创造厘革，两人虑无不相成者，时有“庞父商母”之谣，民建祠并祀之。

郑思先 洪武中为福建布政使。学通经史，为政宽严适宜，务与民同其好恶。

范理 字道济，一字仕伦，天台人。正统间为福建布政使。清慎勤敏，均徭役，平催科，黜贪奖廉。邓茂七反，军旅连年。理司兵食，调度有方，民不加赋，而用无匱乏。官至吏部侍郎。

秦敬 涿州人。成化初为福建左布政使。天心清白，待士厚，御史严，出内锱铢不苟，下人不敢为私。

章裕 字韶凤，常熟人。成化间为福建左布政使。节财用，公出纳，恤民爱士，以清谨闻。

祁 顺 字致和，东莞人。弘治间左布政使。政持大体，庭无私谒，惠泽甚溥。卒之日，公帑羡金数千，戒家人勿受，曰：“苟玷我名节，死不瞑目矣”。

戴 珊 字廷珍，浮梁人。任福建布政使，勤教养，通财赋，情法两当，擢副都御史。珊敷历所至，有政声，禄仕四十年，家无余积。官至刑部尚书，谥恭简。

温 琮 华阳人。成化间为福建按察使，转右布政使，寻政左。卒于官，无以为敛。御史刘信命以公帑贖襚归其丧。

舒应龙 字时见，全州人。万历初为福建左布政。精敏廉介，帑藏严密。诸郡县所上饘，往往解役与吏通，阳入而阴出之，或洗补文书，令无所稽核。应龙一见，辄发其奸，终其官，吏不敢犯。壬午，提调秋试，综理详尽，宿弊一厘。后官至工部尚书，总理河道，以谗去。

陈性学 字所养，诸暨人。万历庚子，为福建按察使，晋右布政。为人宽和，抚下有恩，延接士大夫以礼。时值税使人境之初，民心恟恟。性学调停税额，多所苦心，既不扰民。税值蒙其成，遂荐之，为时议所短。其实全闽阴受性学之赐，而台省之臣莫知其繇也。

蔡 哲 洪武中为福建参政。廉明自持，政事以正风俗、合民心为要，民皆慕之。

杨景衡 永嘉人。洪武间为福建参政。廉慎，达大体，佐闽藩三十年，始终不渝其操。

王 钟 洪武中为福建参议，升参政。宽慎廉介，民怀其惠。

房 安 永乐初福建参政。莅政有方，抚良善，纠贪墨，郡县肃。

李 颀 博罗人。景泰间，初为福建按察司佥事，公明有断，一时风裁凜然，升布政司参政，提督海道。兴化有豪家隶

戎籍，连姻卫帅，怙势武断乡曲，威夺人田地子女，莫敢谁何。颺廉得其实，捕置于法，阖郡称快。郡有郭孝子墓祠久废，颺为重建之。其他善政尤多。官至工部侍郎。

刘大夏 字时雍，华容人。成化间为福建督粮参政。宽重清谨，守法不阿，催科无扰，仓廩常有十余年储备，一时属吏亦皆奉公，四民乐业。

孙燧 字德成，余姚人。正德初福建参政，总督粮储，廉明威重，人不敢欺。后以都御史巡抚江西，死宸濠之难。

魏 棨 字乔口，南昌人。嘉靖初，以参政分守福州。明敏刚方，多惠政。癸未岁，贼首周马良构乱杉洋，与官兵抗。当路议欲尽屠其地。棨单车至古田，计擒歼之。议者复欲拨浦城民壮二百名防守坑冶，棨谓疮痍未满，戍饷频仍，民将不堪，议照上坪、宝坑事例，拨军防守口由，民德之，立祠以祀。

沈季文 字少卿，吴江人。万历丙申，为闽督粮参政，收兑有法，出纳惟谨，于浮羨毫无染指。摄方伯篆，一以仁恕为宗，而祛弊不遗余力。季文精三礼，有文名，多士争附之，问字析疑，户屦常满。

王懋德 字敏中，文昌人。万历中为福建参政，清操自持。既而得疾，谓僚友曰：“吾亟行，恐以归槩为闽人累。”行抵延平，知不起，预作书谢僚友，誓不受赆。竟卒，而无子。僚友括余赆之，遗吏护丧还琼。懋德父发其遗嘱，谓吏曰：“吾儿不欲吾玷其操也。”吏持余归，僚友叹服。闽人至今谈王氏父子却余奉。

萧良誉 字以孚，汉阳人。万历中福建督粮参政。清苦介持，谦厚慈仁，接引名士若饥渴，忘其为监司也。闽省当荒歉之后，良誉为政，什九从宽。闽人德之。时郡属谢生与内使哄，良誉调停其间，事得释。寻以边才调任，卒于家。

郑 湜 字仲持，浦江人。洪武十四年，为人诬告，湜与

兄濂争下狱。太祖义而宥之，拜湜为福建布政司参政，吏部奏无缺，特设参议官处之。湜至，吏民闻其家声，相戒勿犯法。南靖县民为乱，诬误者数千人，诸将多掠其妇女。湜为言，悉纵遣之。有商被杀，盗既获，以无尸不服。湜夜缚群盗于庭，而匿人案下听之，果得藏尸之所，闽人以为神。

郭 璘 洪武末为福建参议，咨询民瘼，兴学劝士，处官僚，不同而和。

宗 臣 字子相，兴化人。嘉靖中为闽省参议。值倭寇至，臣守西门。乡氓襁负求人者几万人，臣戒门者内之，或谓“贼且近，奈何？”臣曰：“吾在，不虞贼也。”人甫毕，贼倏至。臣令善火具者百人置要害。贼轻城无人，火具发，死者无算，遂溃去。后转督学副值，每校士，为程义示诸生，无不人人信服者，以劳积卒于官。闽人立祠于乌石山祀之。同时有胡廷兰者，以督学僉事守东门，亦有开门活人功。

陶 壘 宁波人。洪武中，为福建按察使，下车即进耆老，谘取民瘼。禁豪强，戒侵鱼。与诸生讲经习射，执宾主礼。尝劾布政使薛大昉贪墨，大昉亦诬壘仲，并逮去。既而得直复职，迎者数千人，欢呼遮道。

邵 玘 兰溪人。永乐中，为福建按察使。用法平恕，而严明之政，廉洁之操，二十余年始终一致。

李 素 宣德中，以副都御史调福建按察使。刚方简重，宪度肃然。秩满，民遮留之，乃进二品禄。及致仕去，民思之。

马文升 字负图，禹州人。天顺末福建按察值。性毅而量弘，与人不求备，执法不徇。在闽久，多所兴革。愤镇守中官扰民，辄绳以法，一时僚属振肃，缙绅多爱敬焉。官至吏部尚书，溢端肃。

高 崧 襄城人。初为福建按察司僉事，历副使、按察使，在闽最久。观风问俗，悉人情伪，刑狱不滥。與台门隶之役，

视寻常省半。百姓畏爱。升巡抚都御史。

吴 洪 吴江人。弘治初福建按察使，明恕清白，断狱无枉。城北常有虎患，洪为文祷告，虎遂去，时称其德化所感。官至工部尚书。

陶 琰 字廷信，绛州人。弘治间为按察使。琰性清俭，布袍黻然若寒士。刑名练熟，狱无冤滞。去未几，复转福建左布政使。吏民习其政，八郡晏然。升督漕都御史，后至南京兵部尚书，谥恭介。

江舜民 字从仁，婺源人。弘治间福建按察使。仁恕为心，刑狱不滞，爱士亲贤，抑强扶弱，政声籍甚。升都御史，督南京粮储。

徐中行 字子与，长兴人。万历初元为福建兵备副使，寻转参政，督理粮餉。廉得猾胥蠹仓者，悉置之法。逾年进按察使。中行三长藩臬，益习地方利弊，谏决称平。城西湖滨隙地，侵没于豪右，水利湮塞，下令复之，捐俸创阁筑堤。后擢江西布政使。闽人祀于西湖。

王 珪 洪武中为按察司副使，以激浊扬清为己任，尤精于法律，凡审狱不恃鞭撻，以理探其情，无敢隐者。

吴 中 眉州人。天顺初为福建按察司副使。莅官严毅而不过于猛，分宪所至，官吏敬而惮之。时未设提学宪臣，中考校诸生，黜陟允当，人服其公明。

郑 佑 常山人。天顺中为福建按察司副使。正而不激，宽而不纵，持宪务存大体。时有旨命巡按御史会藩宪重臣考察郡县官。宪司因推佑以行，所至黜陟甚当，论者以佑之助为多。

游 明 字大昇，丰城人。天顺中为福建按察司佾事，奉敕提督学校，待诸生有恩义，而尤以公廉著称。满九载，进副使，仍提督学校。成化间卒，八郡诸生，皆为位哭之。

罗 璟 字明仲，泰和人。天顺甲辰进士及第第三人。以司

经局洗马调南京礼部员外郎，迁福建提学副使。政尚宽简，待诸生有恩。程试外，恒以义理为教，编《五经旁注》、《周易程朱异同》。寻召为南京祭酒。

韦斌 山阳人。弘治中任福建按察司副使，提督学校。严课程，重行检，诸生畏服，罔敢纵逸。八年，奉例沙汰，斌奉行惟谨，事虽过而心则公。然竟以耿直，不少徇人，疏求致仕，老于淮。

何乔新 字廷秀，广昌人。成化间按察司副使。持宪严谨，人不敢欺，一时刑狱，号无冤滥。尝奏减银矿课额，蠲其半租。官至刑部尚书。

刘珂 字本佩，安福人。成化间按察司副使。独持风裁，凛然不可犯。尝署督学，章缝之士景仰焉。

谢汝仪 字国正，鄞县人。嘉靖间任福建按察司副使。初，晋江巡检张隆为海寇所杀，捕之未得也，会漳州民陈大渊等贩粟至，舟中有防盗器械，为捕者所诬，狱遂成，瘐死已六人，而莆田民彭仰亨等亦诬讦人命。汝仪廉得其实，俱出之。巡按虞守愚言于朝，诏擢用。

潘潢 字荐叔，婺源人。嘉靖九年，以副使督闽学，品藻精当，世称得人。建书院，进诸生，讲学课业，先定士品，而后文学，士之贤者，汲汲嘉奖，或式其庐也。一时风俗丕变，后学至今谈之。

邵锐 字思抑，仁和人。嘉靖初为督学副使，造士有方。时省会经术虽盛，而治《尚书》者皆莆也。乃延请数名士，厚其礼，使聚族受教焉。后乃以是经起家者不绝。

田汝成 字叔禾，钱塘人。嘉靖间为福建提学副使。汝成博极群书，负海内名，所取皆奇士。岁当大比，汝成先定诸士甲乙，及放榜，一如所言，人服其鉴。

朱衡 字士南，万安人。嘉靖辛亥，为闽提学副使。宽大

docsriver 文川网
入驻商家 古籍书城

在文川网搜索古籍书城 获取更多电子书

圆通，待诸生蔼然，士皆乐亲之。极意搜采名隽，故所拔多才誉。官至工部尚书。

姜宝 字惟善，丹阳人。嘉靖末督学副使。待士严而有恩。辟崇正书院，拔郡邑高等，课业于中，诸生翕然奋起。有浮屠万灵者，妖言惑众，愚民多纵妻妾人听经。宝闻，下令捕之，杖几死，遁去。擢南京太常寺少卿，官至礼部尚书、太子少保。

蔡国珍 字汝聘，奉新人。隆庆初为按察司提学副使。持身介，驭士严，所鉴赏皆知名士。后先得隽，殆无留良。又时时进诸生谈说义理，造就为多。与部使者不合，忽称病归。后再起，官至吏部尚书。

周弘祖 字元孝，麻城人。前为御史，督学南畿，以严著。隆庆己巳，迁闽学宪，风节凛然，竿牍不至其门。试士尤严，生儒千数，重足一迹，虽所取士，旅见外，无私谒也。既而，以前御史左迁去。

胡正 字正叔，崇阳人。万历初为提学副使。恺悌爱人，敷教以宽。时士鲜习古文词，定所奖拔，皆蕴藉雅博，不拘拘于举业者。擢浙参政，去，士感其知，勒石道山颂之。

谭启 字继之，大宁人。万历中为按察司副使。启先为御史，以风采著。莅闽，守正不阿。时相张居正素怨同安侍郎洪朝选，抚臣劳堪为相鹰犬，罗织其罪，逮狱斃之。启，朝选督蜀学时门人也，力白其冤，不听。启视其师，恸哭出，即日解印绶归。

郑邦福 字洪畴，一字羽天，上饶人。为福建屯盐副使。邦福貌肃而容庄，吏卒畏惮之。理屯田，重绳豪右之窜夺者。于盐政，则严私贩。其有凭势搀越，一以三尺从事。邦福负诗名，所著有《采真游》诸篇，多致语。

王世懋 字敬美，太仓人。万历乙酉，以在告起福建提学副使。世懋问学该博，督闽学才七阅月，而人郡考校俱遍，手不停

披，口皆成诵，其所拔士，几无留良。居官清约严谨，人不敢干以私。

耿定力 字子健，麻城人。万历辛卯，为闽督学副使。定力具人伦鉴，校士三年，有才之士，咸得见赏，未尝局取一途，所识拔，后无不为名士者。官至南京兵部侍郎。

谢肃 洪武中，为福建佥事。质性端谨，文词雅贍，与陶垕仲协持风纪，文望臞赫，人皆仰之。

沈镒 洪武中，由佥事左迁闽县典史。公勤敬谨，兴学校，恤下民。永乐中，复升福建佥事，守持如一日。

吕升 永乐中，为福建佥事。笃学励操，狱多平反。仆从亦训以《论语》、《孝经》，无不守法，声誉大著。

鲁穆 天台人。宣德中为福建佥事。穆刚正清谨，内恕外严，执法不回，介然有守。扬历中外三十余年，被服一如寒士。

陈祚 字永锡，吴县人。为翰林院庶吉士，升河南参议。以言事谪大和山佃户。宣德初，召为监察御史。又请经筵进讲真德秀《大学衍义》，分别忠佞，言甚剴切。上怒，逮系，并籍其家。正统初得释，出按湖广。又言藩府事论死，寻得解，转福建按察司佥事。正直刚毅，襟怀坦夷，褒善荐才，持法平恕，一时想望其风采云。

牟俸 字公爵，巴县人。天顺中福建按察司佥事。行部所至，郡县肃然，人称风力。

章懋 字德懋，兰溪人。以翰林院编修偕同官上疏谏元宵灯火事，忤旨，恤阳武知县。后迁福建按察司佥事。专务以德馭民，人不忍欺。建置设施，有古大臣之体。官至礼部尚书，谥文懿。

周孟中 字时可，卢陵人。成化间为福建按察司佥事，提督学政。黜浮华，抑奔竞，订文公冠、婚、丧，祭四礼，先令诸生家行之，以为齐民倡。名宦乡贤滥祀者，悉为裁定，士林悦服，